

皇朝政典類纂

皇朝政典類纂卷二百九十三

禮四十一

寶禮外裔朝貢

國家奄有區宇蒙古諸部落絡繹踵至嗣是青海西套番藏各部引領向風傾誠翊戴我 皇土德威遠播莫定伊犁凡天山以南諸回部素為準夷所苦者一時如解倒懸歸仁恐後厥後大小和卓木貢 恩擣疊致干天討黃鉞所麾臣服無外自嘉峪關外舊部若哈密新疆若闢展吐魯番哈喇沙爾庫車雅爾賽哩木拜阿克蘇烏什喀什噶爾葉爾羌和闐等既無殊於郡縣其哈薩克之左右部布噶特之東西部及安集延瑪爾噶朗霍罕納木干塔什罕拔達克山博羅爾愛烏罕奇齊玉斯謬爾根齊等部並皆歛衽內附踴躍來朝繒帛金刀獻同芹曝 聖天子無私覆載不忍擯遺 恩賚所覃歌舞載道故諸藩樂值朝貢之期而 盛世初不惟異物之貢具著於篇亦以徵畏懷之極至云爾通考

荷蘭國貢馬匹珊瑚鏡哆囉絨織金毯嗶嘰緞自鳴鐘丁香檀香冰片琥珀烏槍火石貢期五歲一至貢道舊由廣東今改由福建 西洋意達里亞國貢蜜蠟孟蜜蠟瓶銅日規水晶燈銀盤紙盤皮畫花石片鍍金皮規矩番銀筆珊瑚珠瑪瑙珠火漆羽緞週天毯顯微鏡火字鏡照字鏡等物路遠無定期貢亦無定額貢道由廣東 西洋博爾都噶爾國貢珊瑚珠寶石素珠咖石喻瓶瑪瑙盒雲母盒玳瑁盒各品藥露金綵緞金銀綵緞金花緞洋緞羽毛緞哆囉泥洋刀長劍短劍自來火長槍手槍各品衣香各色葡萄酒等物路遠無定期貢亦無定額貢道由廣東 蘇祿國貢珍珠二顆玳瑁十二斤描金花布一疋金頭牙薩二疋白幼洋布二疋蘇山

竹在二疋燕窩一箱龍頭花刀一對夾花標槍一對滿花番刀一對藤蓆一對活猿一對貢期五年一至貢道

由羅建 哈薩克左右部布噶特東西部安集延瑪爾噶朗霍罕納木干四城塔什罕拔達克山博羅爾愛烏

罕奇齊玉斯謬爾根齊諸部落貢馬刀馬匹或三年或間年貢無定期貢道由嘉峪關通考

順治十三年荷蘭國王恭進 御前方物會典事例

康熙三年以荷蘭國王助兵克取廈門金門 頒勅諭二道褒獎通典

六年荷蘭國王進貢方物通典

九年西洋國王阿豐蕭遣陪臣奉表入貢方物通典

十七年西洋國王遣陪臣奉表貢獅子會典事例

二十五年荷蘭國入貢 賜國王及正使均照六年加賞例副使照順治十三年賞標官例夷目官掌書記伴

送官通事從人各賞綢緞綉袍銀有差會典事例

五十九年西洋國遣使臣斐拉理奉表來朝會典事例

雍正三年西洋伊達里亞國教化王伯納第多遣使奉表慶賀 登極進貢方物會典事例

五年西洋博爾都噶爾國王若望遣使麥德樂等具表慶賀恭請 聖安因進方物會典事例

諭蘇祿國向來未通職貢今該國王輸誠嚮化遣使遠來進貢方物奏辭懇切具見悃忱其有應行議奏之處

著大學士九卿詳議尋大學士等遵 旨議奏蘇祿國入貢照東南海外安南琉球荷蘭暹羅諸國初次奉表

納貢之例 欽賜勅諭一道給賜該國王即令來使齎奉還國從之通志

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



蘇祿國王母末漢母拉律林遣正使奉表入貢方物會典事例

乾隆八年蘇祿國王蘇老丹麻喊味呵粟勝靈遣使進貢方物會典事例

十七年西洋博爾都噶爾國王若瑟遣使進貢方物會典事例

十九年蘇祿國王蘇老丹麻喊味安柔律噠遣陪臣進貢方物會典事例

二十二年哈薩克左部阿布賚遣使來朝會典事例

二十三年東布魯特部頭目瑪木克呼里遣使來朝扈木蘭國 賜燕熱河 行宮會典事例

哈薩克右部吐里拜遣子卓爾及輝格爾德之弟博索爾滿來朝會典事例

是年塔什罕部和卓莫爾多薩木什遣屬莫呢雅斯來朝 賜燕盤山 靜寄山莊會典事例

二十四年西布噶特部頭目阿濟比遣使呼達里來朝與觀 南苑 大閱 賜燕山莊會典事例

是年哈薩克部阿布賚遣其兄子俄羅斯蘇爾統暨頭目伯克訥等來朝會典事例

二十五年博羅爾部酋長沙湖沙默特遣使沙伯克等來朝西布噶特部阿濟比遣使來朝哈薩克部阿布賚遣使來朝燕賚與觀圖 賜勅諭俾約束所部毋越境游牧會典事例

拔達克山部酋長素爾坦沙遣陪臣額穆爾伯克等來朝貢八駿馬 賜燕瀛臺 頒勅諭賞賚有差會典事例

霍罕城伯克額爾德尼遣安集延伯克托克托瑪哈墨第來朝貢馬會典事例

二十六年東布噶特別部酋長額木爾貝遣使入貢匕首 賜額木爾貝三品頂戴會典事例

二十七年愛烏罕部會長愛哈默特沙遣使和卓密爾漢來朝貢刀及駿馬 哈薩克阿布勒瑪木比特等遣使來朝 西布喇特別部阿瓦勒比願以其部供內地游牧經理牧羣事宜 賜阿瓦勒比四品頂戴會典事

二十八 年蘇祿國王遣陪臣進貢方物會典事例

二十九 年哈薩克部阿布勒瑪木比特遣使來朝會典事例

三十四 年哈薩克部阿布勒比斯遣子卓爾齊來朝 阿布賽遣子幹里蘇爾統亦來朝會典事例

三十五年霍罕額爾德尼姪納祿博圖幾伯克遣使來朝貢龍泉盤子會典事例

三十六 年哈薩克波羅特繼其父阿布勒瑪木比特為汗遣使來朝 阿布賽遣子卓爾齊亦來朝俱 賜冠服

燕齊正副使有差 燕齊如例會典事例

四十一 年哈薩克部阿布賽遣使來朝會典事例

四十八 年哈薩克部阿布勒比斯之子嘉岱來朝會典事例

五十二 年瓦里素爾坦之弟哈薩木來朝會典事例

五十六 年瓦里素爾坦遣子阿爾宰來朝 賜冠服燕齊正副使有差會典事例

五十七 年諭軍機大臣等郭世勳等奏據洋商蔡世文等稟有英吉利國夷人噉啞啞晚噴啞等來質稟稱該

國王因前年大皇帝八旬萬壽未及叩祝今遣使臣嗎囉囉呢進貢由海道至天津赴京等語並譯出原稟進呈 皇親其情詞極為恭順懇摯自應准其所請以遂其航海嚮化之誠即在天津進口赴京但海洋風帆無定或

於浙閩江蘇山東等處近海口岸收泊亦未可知該督撫等如遇該國貢船到口即將該貢使及貢物等項派委委員迅速護送進京毋得稍有遲誤至該國貢船雖據該夷人稟稱約於明年二三月可到天津但岸船行走風信靡常或遲到數月或早到數月難以豫定該督撫等應飭屬隨時稟報遵照妥辦再該貢船到天津時若大船難以進口督糧總辦備小船即將貢物撥運起岸並派員同貢使先行進京不可因大船難以進口守候需時致有耽延也將此傳諭各督撫並諭郭世勳盛住知之東華錄

五十八年英吉利國王遣使臣嗎囉囉呢等進貢方物天文地理音樂大表地理運轉全架天球地球指引月光磁測看天氣晴陰探氣架子運動氣法西瓜磁銅磁椅子火鏡玻璃燈印圖絲毛金線毯大氈毳馬鞍鞍轡車成對相連鎗自來火金鑲鎗自來火銀鑲鎗自來火小鎗小火鎗大火鎗銅刀巧益架子早晚運動能長人精神西洋船棹千里眼各色哆囉呢羽紗凡二十九種會典事例

又 賜英吉利國王敕書曰咨爾國王遠在重洋傾心嚮化特遣使恭齋表章航海來庭叩祝萬壽並備進方物用將忱悃朕披閱表文詞意懇懇具見爾國王恭順之誠深為嘉許所有齎到表貢之正副使臣念其奉使遠涉推恩加禮已令大臣帶領瞻覲錫予筵宴疊加賞費用示懷柔其已回珠山之管船官役人等六百餘人雖未來京朕亦優加賞賜俾得普濟恩惠一視同仁東華錄

八月庚午 上御萬樹園大幄次英吉利國正使臣嗎囉囉呢副使臣嘶嚙嚙等入覲東華錄

五十九年諭軍機大臣等長麟奏管帶英吉利貢使請出浙境日期及該夷使等悅服恭順情形一摺覽奏俱悉又據該貢使向新送之道將等稱該國王此次進貢實是至誠求來之前國王曾經商議此次回去隔歲

年再來進貢一次惟道路太遠不敢定準年月將來另具表文再來進獻若蒙恩准辦理即將表章貢物呈送
總督衙門轉奏不敢強求進京只求准辦等語此尚可行著長麟卽傳知該使臣以爾國王此次差爾航海遠
來抒誠納貢大皇帝原深爲嘉許當優加詞因爾等不諳中國體制冒昧瀆請天朝定例甚感應准駁無
不按例而行爾等所請於例不合是以未准今據爾稟稱將來尙欲另具表文再來進貢大皇帝鑒爾國王忝
順忱忱俯賜允准但海洋風信靡常亦不必拘定年限總聽爾國之便貢物到粵天朝規矩凡外夷具表納貢
督撫等斷無不入告之理屆時表貢一到卽當據情轉奏大皇帝自必降旨允准賞賜優渥以昭厚往薄來之
義爾等回國時可將此意告知爾國王以此次爾國所請未邀允准係格於定例大皇帝並無怪意爾國王儘
可安心將來具表進呈亦必恩准從優賞賚如此明切曉諭不特該使臣聞之益加悅服將來回國告知該國
王亦必彌深欣感也 聖訓

十月諭軍機大臣等長麟等奏荷蘭國遣使齎表納貢懇求進京叩祝一摺此係好事披閱長麟等譯出原表
該國王因明年係朕六十年普天同慶專差齎使齎表到京叩賀情詞極爲恭順長麟等因其表文係公班大
臣呢囉啞等代伊國王出名與體制稍有不符復加盤詰何必如此深論自應准其來京瞻覲遂其向慕之忱
著長麟等卽傳諭該使臣等知悉並派委員護送起程祇須於十二月二十日封印前一二日到京俾得與
蒙古王公及外藩諸國使臣一體同邀宴賚並著知會沿途經過省分令各督撫一體派員按例照料以便如
期到京再荷蘭國所進表文在京西學人不能認識並著長麟等於住居內地之西學人有認識荷蘭字體兼
通漢語者酌派一二人隨同來京以備通譯 聖訓

十二月上諭軍機大臣等上年英吉利遣使來京恭進表貢所有經過各省督令各該督撫給與筵宴此次荷蘭國遣使來京本日據陳准具奏未經給宴但該國幕化輪誠航海遠至自因知上年英吉利使臣到京時得蒙天朝恩錫優渥宴賚聯藉是以聞風踵至今該使臣等在途經過省分未與筵宴是同一西學進貢使臣轉似區分厚薄失中國正大之體該貢使等聞知未免稍覺缺望除該使臣等到京後一體酌加賞賚外著傳諭各該督撫將來該使臣等回程經過時俱仍仿照英吉利使臣之例酌給筵宴 聖訓

六十年諭軍機大臣等朱珪奏英吉利國呈進表貢一摺該國王因前年貢使進京賞賚優渥特具表文土物呈進具見悃忱雖未專使來粵有何不可已准其賞收並發給敕書一道諭以兩國遠隔重洋上年遣使恭齎表貢航海祝釐朕鑒爾國王悃忱令使臣等瞻覲與宴錫賚聯藉蕃殖發敕諭回國並賜爾國王文綺珍玩用示懷柔茲爾國王復備具表文土物由夷船寄粵呈進具見恭順之誠天朝撫有萬國琛寶來庭不貴其物惟貴其誠已飭諭疆臣將貢物進收俾得虔敬至天朝從前征剿廓爾喀時大將軍統領大兵深入連得要隘廓爾喀震懾兵威匍匐乞降大將軍始據情入奏天朝仁慈廣被中外一體不忍該處生靈咸就殲除是以允准投誠彼時曾據大將軍奏及爾國王遣使前赴衛藏投稟有勸令廓爾喀投順之語其時大功業已告成並未煩爾國兵力今爾國王表文內以此事在從前貢使起身之後未及奏明想未詳悉始末但爾國王能知大義恭順天朝深堪嘉尚茲特頒賜爾國王錦段等件爾國王其益勵盡誠永承恩眷以副朕綏遠敷仁至意朱珪接到後可即交與該國大班噶喇轉送回國俾該國王益加感戴恭順以示懷柔至天朝官員例不與外夷交際其致送前任總督監督禮物朱珪飭令寄回所辦亦是東華錄

嘉慶元年英吉利國恭進貢物黃色大呢醬色大呢嘔嘔大呢新樣大呢各六版會典事例

七年霍罕伯克愛哩木遣使來朝會典 例

八年諭軍機大臣等松筠奏哈薩克王江和卓擬遣伊弟達呢雅爾隨同伯格里蘇勒坦於本年秋間前來瞻覲一摺江和卓感激朕恩遣伊弟達呢雅爾瞻覲殊屬可嘉著諭知松筠轉諭江和卓云已將爾所請轉奏奉大皇帝諭旨爾弟達呢雅爾前次未得前來原因雪阻大皇帝並未責斥但向來哈薩克等入覲俱隔三四年後會集數人始來一次並無一二人即行入覲之例況爾等未出痘者居多向來均赴熱河涼爽地方瞻覲亦無秋間啟程來京之例達呢雅爾年幼尚未出痘此次毋庸前來俟逾三四年會同數人再行入覲如此明白曉諭俟過三四年後江和卓如再呈請遣子弟來京瞻覲時再行奏聞遵照辦理 聖訓

十四年瓦里素爾坦遣弟多索里素爾坦及子薩爾拜素爾坦來朝江霍卓遣弟達呢雅爾及子噶斯塔木亦來朝俱 賜冠服燕齊正副使有差會典事例

七月諭軍機大臣等昨據積拉堪奏霍罕伯克愛里木呈請遣使來京瞻覲一摺朕念愛里木仍前恭順是以施恩降旨准其遣使同本年班之伯克等前來及將愛里木所具奏摺交哈迪爾譯出與積拉堪等譯來原文比較不符語欠恭順因將從前紉爾巴圖所呈奏摺查閱語皆恭順措詞稱謂亦屬合例此次愛里木所呈奏摺殊失屬臣之理前愛里木來使至喀什噶爾時積拉堪等既將所呈奏摺譯看何以尚為代奏積拉堪成林伊斯坦達爾著申飭並著那彥成於抵喀什噶爾時傳諭來使以愛里木所呈奏摺語欠恭順未能循依伊父祖貢獻臣之道是以不令爾等進京立即飭歸紉爾伯克如此明白曉諭遣回嗣後愛里木誠能恭順知

第改悔復遣人呈請那彥成再行酌量代奏尋奏上 上諭曰那彥成奏接奉諭旨曉諭霍罕伯克愛里木使臣阿渾占等甚是畏懼懇請來覲出於至誠等語伊等既遭涉前來若竟斥回反失撫綏四夷之道阿渾占等仍准來京朝覲俟回牧時再降諭旨 聖訓

二十一年冬十月丙子朔諭軍機大臣等蔣攸鏞等遵旨覆奏辦理英吉利貢使到粵回國事宜一摺英吉利國貢使不能行謝宴禮儀乾隆五十八年到粵時並未給與筵宴此次自無庸強令入宴行禮該督等所奏願賞使臣筵席三桌仍賞給牛羊等物所辦甚是至另片所請再行頒發諭旨宣明該貢使等失禮之咎令該國王自行查辦殊可不以前該督所奏刊刷告示發給該國來粵貿易各船朕即諭以六合之外存而不論降旨飭令停止該督尚未接到復為此奏總之此事蘇楞額一誤於前和世泰再誤於後朕權衡裁度恩威並濟厚往薄來辦理已為允協此後無庸多煩詞說該貢使如此狡詐即頒發諭旨伊歸國後亦豈不能曉諭捏造虛詞以自文其過竟當置之不論較為得體俟該貢使到粵該督於接見時當堂堂正正諭以此次爾等奉國王之命來天朝納貢不能成禮即屬爾等之咎仰荷大皇帝深仁大度不加譴罰仍賞收爾國王貢物頒賞珍品此乃天高地厚之恩爾等回國不可不知感激至爾國向在粵東貿易即係爾國一定口岸爾將來再有進貢之事總須在粵東收泊候督撫具奏請旨遵辦毋得徑往天津即駛至彼處該官吏亦必遵旨駁回爾等豈非徒勞跋涉如此明白宣諭伊等自當畏威懷德不必與之辨論曲直也 東華錄

二十二年諭軍機大臣等松福等奏霍罕伯克愛瑪爾遣使入覲因所呈奏書不合體制向該貢使指明曉諭駁飭遣回其安集延回子所帶貨物姑准貿易並請於該伯克下次遣使入覲一面奏聞一面即令隨年班伯

克入覲等語此次霍罕伯克愛瑪爾遣使入覲其奏書擅自矜誇不合體制經松福奏納向該貢使指明駁飭
遣回所辦甚是該貢使遣回後松福等總不必與之通問向其招徠爾該伯克再行遣使齎呈奏書懇請入覲
松福等將其奏書譯出如果情詞恭順俱合體制並於筵宴時察看該貢使行禮均各如儀方可據情入奏並
將譯出奏書及原奏書一併呈覽一面傳諭該貢使在喀什噶爾安靜候旨至霍罕遣使入覲原不必拘定隨
年班伯克一同到京松福等所請一面奏聞一面即令起程之處殊不可行總須候旨遵辦彼時朕必降旨指
示令其定於何月到京瞻覲松福等再約計程途令該貢使自彼起程可也 聖訓

道光十四年諭軍機大臣等本日據興德奏稱霍罕伯克因准令通商免稅實深感激遣額爾沁愛連巴依等
恭齎表貢懇求年班入覲等語該伯克謹備表貢遣使入覲實屬恭順自應准其隨同年班各伯克進京瞻覲
額爾沁愛連巴依等行抵葉爾羌時該大臣即照例筵宴賞賚妥為辦理務使悅服並將起程日期先行具奏
所有張格爾後裔及兩次用兵各情節均不准向額爾沁愛連巴依等提及一字至將來定有行期例應派員
護送除哈密辦事大臣陝甘總督另行寄諭外其餘由葉爾羌啟程經過各城地方著該大臣等一體遵照辦
理並派員沿途妥為照料毋稍疏忽東華錄

十九年諭內閣恩特亨額奏請將喀什噶爾葉爾羌兩城每年額貢改為間三年歸併呈進等語喀什噶爾葉
爾羌回子伯克年班業經降旨改為間二年朝覲所有該二城每年應進額貢亦著改為間二年呈進一次其
無伯克來京之年所有應進額貢著即停止無庸於朝覲之年歸併呈進因思本年四月間曾經理藩院奏准
將哈密扎薩克回子郡王伯錫爾吐魯番扎薩克回子郡王阿克拉依都每年例貢改為間二年遣使歸併呈

送之處與同一例亦著間二年呈進一次其非朝覲之年所有應進額貢卽著停止無庸歸併呈進以示體恤
而歸畫一 聖訓

二十四年諭軍機大臣等本日據程喬采奏米利堅國使臣因未接到上次阻止札文於正月初八日駛至九
洲灣泊欲來天津朝覲經該督開導傳知使臣尙未回覆佛蘭西亦有巡船拋泊等語西洋各國向來不通
朝貢卽北駛至津亦必諭令回粵所欲商議章程亦必仍交耆英等酌辦斷無另遣大臣與議之理耆英接
奉此旨馳驛前往廣東會同程喬采妥爲辦理 東華錄

咸豐九年諭軍機大臣等據裕瑞奏浩罕遣使遞稟復差額爾沁隨班進京當經詳爲開導等語浩罕伯克差
額爾沁阿布都劉里木進京朝貢經該參贊大臣詳爲開導本年各城伯克年班均已停止該額爾沁應免進
京旋據呈稱懇將浩罕伯克誠心代表奏見在暫寓回城候信該浩罕伯克遣使入覲呈進貢物誠懼可嘉既經
開導令將貢物攜回備該伯克來信應允卽毋庸議如必欲呈進貢物籲懇代奏自應准其納款所有原進貢
物著卽賞收由裕瑞代遞至京朕仍照例頒賞物件並給與敕書以獎其效順之忱用示懷柔遠人至意將此
諭令知之 東華錄

十年諭內閣裕瑞英蘊奏浩罕輸誠納款一摺上年浩罕遣使額爾沁阿布都劉里木進京朝貢經葉爾羌參
贊大臣裕瑞據情具奏當諭該大臣將貢物接收代遞乃該額爾沁不卽折回還邇葉爾羌回城招集各城安
集延人等任意妄爲滋生事端於裕瑞豫備筵宴傳見時輒敢喝令從人行兇刀傷弁兵多名被兵丁將該額
爾沁打斃並將同謀之呼岱達伯塔爾等拏獲定擬罪名監禁復令阿奇木伯克將全案情形函致浩罕知悉

茲據裕瑞等奏稱浩罕伯克遺額爾沁坦斯密頂敏關前來並呈遞圖書自認錯誤仍求將貢物賞收尙屬恭順可嘉自應俯如所請所有浩罕呈進貢物卽著該參贊大臣等遵照前旨接收代遞駐候頒給敕書賞件並准其照舊通商監禁之呼岱達伯特爾等十五犯均著加恩免罪釋放卽交該伯克自行管辦以示懷柔達人至意 聖訓

皇朝政典類纂卷二百九十四

禮四十二

賓禮館餼 性率

凡館舍一在御河橋一在宣武門內一在正陽門外貢使將至行工部比治以除燥濕既至館卿率大使稽其出入視其脯資餼率毋有不給會典

凡館餼各國貢使就館工部飾房宇備器具給炭薪戶部支粟米粥豆光祿寺日具脯資餼率詳見精膳司皆館卿稽察而均調之會典

凡賓館設廣廈以待諸國貢使之至置象譯以通言語習番夷書曰會同四譯館會典

凡賓館饗餼東南西徼外及海島諸國 朝貢使者日給脯資餼率部劄光祿寺二日一送館西北諸番部落遣使西域番僧遣徒 盛京及陝甘邊境諸寺番僧朝貢至京者由理藩院咨部轉劄光祿寺供備會典

順治初設會同館以待外國貢使禮部主客司滿漢主事各一人提督館事凡貢使到館光祿寺備餼均照數按月支給通典

順治元年定外藩慶賀元旦來京親王給羊一豬一魚二十五酒四瓶茶二筩郡王豬一魚二十酒三瓶茶一筩貝勒豬一魚十酒二瓶茶一筩貝子豬一魚五酒一瓶茶一筩公羊一魚五酒一瓶茶一筩台吉等各羊一魚五酒一瓶歸化城都統羊一魚五酒一瓶副都統羊一酒一瓶參領佐領頭領每二人各羊一酒一瓶每旗來頭領二人共羊一酒一瓶進貢頭領各羊肉五斤酒一瓶喀爾喀額魯特頭領各羊一酒一瓶朝鮮國進貢

正使羊二魚十酒一瓶副使書狀官共羊三魚十酒一瓶大通官押物官共羊四豬一酒五瓶魚各一除夕共給席五鵝三雞二酒三瓶茶三簡會典事例

康熙元年議准外藩親王遇除夕給燕四席羊二乳酒一瓶郡王三席羊二乳酒一瓶貝勒二席羊一乳酒一瓶貝子公各一席羊各一乳酒各一瓶餘均照舊例會典事例

乾隆元年定凡遇年節除夕外藩固倫公主科爾沁土謝圖親王等給席四代牛蒙古羊一蒙古羊二豬一雉三十魚三十茶二簡和碩公主額駙等席三蒙古羊二豬一雉二十魚二十五茶二簡郡主和碩額駙等席三蒙古羊二豬一雉十五魚二十茶一簡縣主多羅額駙縣君固山額駙公主子孫等席二蒙古羊一豬一雉五魚五茶一簡親王席四蒙古羊二漢羊一豬一魚二十五茶二簡郡王席三蒙古羊二豬一魚二十茶一簡貝勒席二蒙古羊一豬一魚十茶一簡貝子席一蒙古羊一豬一魚五茶一簡公席一蒙古羊一豬一魚五茶一簡台吉歸化城都統等羊一魚五副都統羊一參領佐領等二人共羊一蒙古各旗送羊酒官員二人共羊一進貢來京官員各豬肉五斤喀爾喀額魯特來京之首領官等各給羊一其餘官員二人共羊一達賴喇嘛來使各給羊一會典事例

又定過年節除夕朝鮮國貢使共給席五鵝三雞二酒三瓶茶三簡復給正使羊二魚十酒一瓶副使書狀官共羊三魚各十酒各一瓶大通官押物官共羊四豬一酒五瓶魚各一琉球國貢使共給席三鵝一雞一酒一瓶茶一簡復給正副使共羊三魚二十酒二瓶使者都通事王舅通事各魚一豬肉五斤安南國貢使共給席五鵝三雞二酒三瓶茶三簡復給正副使共羊三魚二十酒二瓶行人通事各魚一豬肉五斤暹羅國貢使共

部支發會典事例

十三年議准荷蘭國入貢正使副使次等官每日共給牛乳一罐每二日羊一每五日蘋果梨各五十枚花紅七十五枚葡萄棗各五斤正使副使每日共給鵝一雞一魚一菽乳二斤各種菜三斤酒十瓶麪二斤清醬醬各六兩香油六錢椒一錢茶一兩次等官日給菽乳一斤菜一斤酒一瓶麪一斤清醬醬各四兩香油四錢椒五分茶五錢通事日給豬肉二斤八兩其茶及菜蔬與次官同從人各日給豬肉一斤八兩茶二兩麪八兩共酒五瓶伴送通事各日給豬肉一斤菜一斤清醬醬各二兩以上每人鹽一兩劄行光祿寺給發正副使各官從役均給米移咨戶部支發會典事例

十八年定安南國今越南入貢使臣日給雞一豬肉二斤菽乳一斤八兩茶一斤酒一瓶香油一兩椒一錢清醬醬各二兩鹽二兩醬瓜四兩茶一兩燈油四兩通事各給豬肉一斤菜一斤鹽一兩共酒一瓶劄行光祿寺給發正使各官從人均給米移咨戶部支發會典事例

康熙九年定西洋國入貢正使日給蒙古羊一鵝一雞一魚一菽乳二斤菜三斤酒六瓶牛乳一罐麪二斤香油二兩椒一錢清醬醬各六兩茶一兩燈油二兩鹽一兩每五日蘋果梨各五十枚花紅七十五枚葡萄棗各五斤護送官日給菽乳一斤菜一斤酒一瓶麪一斤香油四錢椒五分清醬二兩醬四兩茶五錢燈油四兩每二日羊一雞一從人各日給豬肉一斤八兩茶二兩麪八兩共酒六瓶燈油四兩伴送等官各日給豬肉一斤清醬醬各二兩菜一斤鹽一兩兵丁從役等各日給鹽五錢劄光祿寺給發正使官護送官通事書辦從人均給好米移咨戶部給發會典事例

三十年奏准內附之喀爾喀等均晉封汗及王貝勒貝子公台吉爵號來朝者照內扎薩克王貝勒貝子公台吉之例廩給會典事例

三十七年議准赫哲雅喀庫爾喀虎爾哈瓦爾喀等處其鄉長有來京娶婦者每日給豬肉二斤鹽菜八兩鹽醬各一兩燈油二兩隔一日肉一盤重三斤酒一瓶每五日蒸餅五枚從役各日給豬肉一斤鹽一兩每五日各給蒸餅五枚足二十日停給會典事例

四十六年議准蒙古王公台吉等來京除所騎馬駝交館餵養外坐馬草料及煮料柴薪仍照例給與其餘口糧食物等項停其赴戶禮工三部領取仍照該部所定之價減十分之一折銀支給交衆蒙古得以自便共沾實惠會典事例

六十一年議准青海遣使來京正使日給銀五錢副使日給銀三錢僕從無定數各日給銀五分駁給六十日正使坐馬三四副使坐馬二匹騎來馬駝盡數交館餵養回時路費正使給銀三兩副使二兩正使副使不得過十人會典事例

十二月議准蒙古王等因 聖祖仁皇帝大事來京其本身廩給應遵 旨於常額之外親王郡王日各增給銀一兩一錢貝勒貝子和碩公主之和碩額駙日各增給銀五錢五分公多羅額駙固山額駙扎薩克台吉姻戚台吉日各增給銀一錢六分台吉等日各增給銀一錢二分會典事例

雍正二年定會同館舍仍令外國先到者居住別撥乾魚衛衙官房一所交禮部管理如俄羅斯人先入會同館卽令朝鮮人居住此處再撥 御河橋官房一所亦交禮部以備他國使臣同時至京者居住通典

又議准下嫁內蒙古部落公主郡主等欲來京者並令請旨其奉旨來京者均定以限期照例供給內蒙古額駙准住四十日公主郡主等住六十日如限滿後仍欲留京者亦須奏明再支供給會典事例

又議准下嫁外藩之公主郡主等如欲來京並令請旨不得擅自來京其奉旨來京者均定以限期照例供給額駙特額駙准住六十日公主郡主等准住八十日如限滿後仍欲留京者亦須奏明再支供給會典事例

例

三年議准額魯特喀爾喀等坐馬並無定額應照舊例不必計數一例折銀給與其廩給食物亦視內扎薩克王公等之例折給著於院庫動用年終彙疏奏銷會典事例

四年定青海廩給郡王日給銀四兩三錢五分貝勒日給銀二兩六錢貝子日給銀二兩三錢公日給銀一兩九錢一分扎薩克台吉日給銀一兩三錢一分其坐馬及回時路費均照喀爾喀例仍不計數會典事例

五年奏准土爾扈特貝子丹衷並未編設旗分佐領應照額魯特廩給銀例日給銀二兩三錢五分屬下台吉日給銀四錢宰桑日給銀二錢護衛日給銀一錢五分僕從日給銀五分均敷給六十日坐馬無定額每坐馬一匹照例給與草豆柴薪折價銀六分七釐三毫四絲七忽其餘馬駝盡數交館餵養回時路費貝子給銀三兩七錢隨從二十五人日共給銀一錢五分均敷給六十日如遣使進貢日給正副使廩給坐馬養馬限期及回時路費均與青海正副使同會典事例

雍正五年議准俄羅斯館內設立廟宇令在京之俄羅斯僧一人居住並照該國所請增俄羅斯僧三人俟送到時一併給與口糧食物聽其於廟內行俄羅斯教禮拜念經無庸禁止又使臣薩瓦及留京學書之俄羅斯

四人教習二人亦令在館居住一例給與口糧食物會典事例

雍正五年定蘇祿國入貢正使副使各日給鵝一雞一魚一牛乳一錠菜三斤酒六瓶麪二斤菽乳二斤香油一兩椒一錢清醬醬各六兩鹽一兩茶一兩燈油二兩共給羊一每五日共蘋果五十枚花紅七十五枚葡萄棗各五斤通事番目日給菽乳一斤菜一斤酒一瓶麪一斤香油四錢椒五分清醬二兩醬四兩鹽一兩茶五錢共燈油四兩每二日給羊一雞一從人各給豬肉一斤八兩茶十兩麪八兩鹽一兩共酒六瓶燈油四兩護送官日給豬肉一斤鹽一兩跟役各給鹽五錢正副使通事護送官從人給米均照西洋國例支發

又定琉球國入貢正副使每日共給羊一豬肉三斤牛乳一錠各鵝一雞一魚一菽乳二斤酒六瓶清醬醬各六兩燈油二兩茶一兩鹽一兩麪二斤茶三斤醬瓜四兩醋十兩香油一兩椒一錢每五日蘋果梨共五十枚花紅七十五枚葡萄棗各五斤使者都通事每日各雞一豬肉二斤麪一斤菜一斤酒一瓶菽乳一斤清醬二兩醬四兩香油四錢燈油二兩茶五錢椒五分鹽一兩從人各日給豬肉一斤八兩茶各二兩鹽一兩共給酒六瓶燈油十二兩王舅下通事謹案該國入貢多以王舅充使日給豬肉三斤菽乳一斤椒五分鹽一兩通事護送官各日給豬肉一斤從役各口給鹽五錢劄光祿寺給發其給米與朝鮮同會典事例

又定暹羅國入貢大貢使每三日給蒙古羊一每日給鵝一雞三魚三豬肉五斤菽乳三斤醬瓜四兩茶三斤酒七瓶麪二斤清醬六兩醬八兩醋十兩香油一兩鹽三兩茶四兩黃蠟燭三枝燈油六兩酥油三兩牛乳一錠椒一錢蒜十本薑五兩細粉一斤八兩蘋果花紅梨柿各十五枚葡萄棗各一斤左右貢使每日共羊一豬肉三斤牛乳一錠各鵝一雞一魚一菽乳三斤酒六瓶醬六兩燈油二兩茶葉一兩鹽一兩麪二斤清醬六兩

醋十兩香油一兩醬瓜四兩椒一錢每五日共蘋果梨各五十枚花紅七十五枚葡萄棗各五斤四貢使日給雞一豬肉五斤菽乳一斤茶一斤酒一瓶麪一斤香油四錢椒五分清醬二兩醬四兩鹽一兩茶五錢燈油二兩通事日給豬肉二斤八兩菽乳一斤茶一斤酒一瓶麪一斤香油四錢椒五分清醬各四兩應賞從人各日給豬肉一斤八兩菜二兩鹽一兩共酒十瓶燈油十兩伴送官日給豬肉一斤鹽一兩從役等各日給鹽五錢劉光祿寺給發其給米與朝鮮同會典事例

又定南掌國入貢貢使或一人或二人或三人每日給羊一豬肉三斤牛乳一錢各鵝一雞一魚一菽乳二斤酒六瓶醬六兩燈油二兩茶一兩鹽一兩麪二斤清醬六兩醬瓜四兩醋十兩香油一兩椒一錢每五日蘋果梨各五十枚花紅七十五枚葡萄棗各五斤先目各日給雞一豬肉二斤菽乳一斤茶一斤酒一瓶麪一斤香油四錢椒五分清醬二兩醬四兩鹽一兩茶五錢燈油二兩先剛彩衣各日給豬肉一斤八兩麪八兩茶二兩鹽一兩共給酒六瓶燈油十二兩通事伴送各官各日給豬肉一斤鹽一兩從役兵丁各日給鹽五錢貢使先目給白米其餘人員給好米均照各國例給發會典事例

六年議准俄羅斯夷僧廩給日給銀一錢五分學生日給銀一錢僕從日給銀五分會典事例
七年定東方索倫薩哈爾察虎爾哈庫爾喀等部落貢進貂皮添給十日食物足一月停止會典事例

乾隆二年禮部奏俄羅斯人到京居住會同館設有彼俗廟宇他國使臣不復棲止朝鮮人役衆多乾魚衛衙官房多有不便應將此房繳還工部別擇安定門大街官房一所以待朝鮮每年貢使至 御河橋官房仍留以備他國來使之用從之通典

又奏准吐魯番輔國公額敏和卓來朝照喀爾喀輔國公之例給與廩給隨從正千戶照佐領例副千戶正百戶均照驍騎校例各日給銀一錢僕從日給銀五分酌給驛騎牧芻及四十日限期均與哈密同貢使來京亦照此辦理會典事例

七年奉 旨外國使臣在京若遇禁止屠宰其每日應得食物著照常給與永著為例八年禮部奏言內務府

將正陽門外橫街官房一所三十七間半添作會同館通典

十三年十月議准 世宗憲皇帝大事來京之蒙古王等於照常廩給之外親王郡王日各增給銀五錢五分貝勒貝子和碩額駙郡主額駙縣主額駙日各增給銀二錢七分五釐公郡君額駙縣君額駙鄉君額駙扎薩克台吉公主之子孫姻戚台吉等日各增給銀一錢八分三釐台吉等日各增給銀一錢一分至循例進貢之王台吉等仍照常廩給不必加增會典事例

又禮部奏安定門一館房宇雖多皆係奇零湊合又久未修理于觀瞻未肅地安門外有原建正一真人公館一所計八十一間整肅完固已屬閒曠將此處充設貢使館舍通典

十六年定緬甸國入貢貢使照南掌國貢使例緬甸照先目例緬甸役照先剛彩衣例通事件送官謀長照南掌通事件送官例從人照南掌從役例象奴各日給豬肉八兩鹽一兩貢使白米其餘官役好米均照各國例給發會典事例

二十一年移地安門外貢使館舍于宣武門內瞻雲坊通典

二十七年議定凡蒙古王公額駙台吉等來京拴馬入館馬每匹每日折給草豆銀六分七釐三毫四絲七忽

公主格格等拴馬入館馬每匹每日折給草豆銀五分七釐九毫四絲二忽自十月初一日起至三月三十日止會典事例

五十三年諭內閣昨禮部奏緬甸貢使到京時在西城會同四譯館居住應照例咨取章京二員驍騎校四員兵二十名以資彈壓巡防等語從前定例咨取官兵在該館看守自因外藩陪臣來京朝貢未習天朝體制其跟隨人眾或恐外出滋事是以派令官員兵丁於該館爲之照應稽查然亦有名無實之事耳今緬甸貢使來京本有道員遊擊等官護送卽其在館居住時儘可令護送之員妥爲照料又何必多派官員兵丁駐宿該館巡查彈壓徒爲沿習具文耶此外如安南琉球暹羅南掌蘇祿等國按期入貢俱有伴送之員亦不藉官兵等查察若朝鮮奉朔朝正每歲使臣來京者絡繹不絕竟與世臣無異該國入貢向不由盛京派員護送其使臣人等頻至京師亦久習朝廷體制更無須另派官兵爲之守視嗣後會同四譯館咨取官兵虛應故事之處著永行停止以示朕綏輯懷柔遐邇一體至意

聖訓

五十五年議定凡恭遇 萬壽聖節來京行禮之蒙古王公額駙台吉等於禮成後恭請 聖安各回游牧處所應各支給二十日廩餼差人來者又給六日廩餼其公主格格等來京行禮不必分別會否已逾十年及支派遠近均照蒙古福晉例支給十日廩餼

會典事例

又奏准正陽門內四譯館對面城根空地一段闊十八丈徑三丈築砌圍牆安放朝鮮使臣帶來馬匹併蓋小房十五間以住馬夫

會典事例

嘉慶五年奏准宣武門內瞻雲坊及正陽門外南橫街二處會同館官房向爲安南琉球等國來使館會自乾

雍正十五年奉 旨安南緬甸暹羅南寧等國俱著內務府經理此房遂置閒曠應交與內務府收管會典事

右藩屬館餼

衍聖公來 朝初至由所司具食品致餼會典

順治八年定衍聖公來京給羊一鵝一酒二瓶麪二十斤鹽二斤醬二斤黃蠟燭十枝茶二斤會典事例

康熙元年議准衍聖公來京停給羊酒餘如舊例會典事例

右衍聖公餼

順治元年定 盛京法庫居住錫勒圖大喇嘛每年支給粳米一石麪二石雉百魚百梨干枚杜梨八斗葡萄

八斗蜂蜜一瓶鹽二雙每年十月由 盛京禮部給發仍知照禮部會典事例

三年喀爾喀碩落錫勒圖呼圖克圖來京每日給羊一茶一包牛乳一錠酥油二兩麪一斤燈油一鍾鹽一兩

回時給路費羊十每日鹽一兩會典事例

九年定達賴喇嘛來朝每日給羊三十茶三十斤麪六十斤酥油十斤牛乳三十斤鹽十斤黃蠟燭三枝頭

等第一喇嘛每名每日給羊十茶二十包麪二十斤酥油五斤牛乳十五斤鹽十兩黃蠟燭一枝頭等第二

及二等喇嘛每十名每日給羊十茶十包麪二十斤酥油二十兩牛乳四斤鹽三斤燈油十鍾三等四等人

從役每十二名每日給羊十茶十包麪二十斤酥油二十兩牛乳四斤鹽三斤燈油十鍾會典事例

康熙二年定喇嘛進貢每日共給羊一僧官每日給茶一包牛乳一錠酥油二兩其餘僧人每日肉二斤每二

日肉一盤茶一包麪一斤酥油二兩俱各給燈油一鍾鹽一兩喇嘛僧官僧人俱給米移咨戶部給發會典事

例

五十九年定哲布尊丹巴呼圖克圖來京每日給蒙古羊一鵝二雞三牛乳七錢每十日給牛一黃茶一百五十包酥油五斤棉花八兩鹽十八斤黃蠟燭五十枝白蠟燭十枝燈油十斤醬五斤八兩醋一斤蘋果柿各一百枚檳子梨各一百五十枚栗膏各十斤葡萄十五斤核桃三百箇回日路費給牛一隻半天池茶一百包酥油五斤黃蠟燭五十枝鹽二十四斤隨送喇嘛台吉宰桑護衛等照例各按品級給與銀兩會典事例

雍正四年定 盛京喇嘛領取香蠟來京其大喇嘛格隆班第之從役人等各日給羊肉八兩鹽五錢割行光祿寺是十日停給會典事例

乾隆二年定西寧蘇木布木呼圖克圖來京每日給牛乳二斤酥油四兩茶麪二斤黃茶二包蒙古羊一拉木扎木巴噶布楚噶隆等每人日給牛乳一斤酥油一兩茶麪三兩二錢黃茶一包葛蘇爾從役等每人日給茶麪二兩八錢黃茶半包共給燈油二斤鹽一斤十兩每日二十五人共給羊一如人數尙多每五人添給羊肉二斤其西藏敏珠爾呼圖克圖土爾扈特郭莽呼圖克圖噶爾丹錫勒圖呼圖克圖等來京均照此例給發會典事例

十四年定陝西岷州路魯班等七寺喇嘛進馬來京大喇嘛日給羊肉二斤鹽五錢喇嘛頭目散僧格隆從人等日給羊肉一斤鹽五錢割行光祿寺給發會典事例

二十七年定察木多帕克巴拉呼圖克圖等遣使來京正使日給銀五錢副使日給銀三錢米各二升從人日

給銀五分米一升回時路費正使日給銀二錢副使一錢五分從人各給銀一錢共支給四十日會典事例

右喇嘛館餼

凡廩給 盛京以北人戶移家來京及邊界新附人戶來京者由旗咨部劄光祿寺據其人數日給肉鹽至三歲迺止會典

崇德八年定投誠總兵官每日給肉三斤雞一菽乳一斤醬二兩茶一斤葱八兩醬一瓶燈油一鍾副將每日給肉三斤菽乳一斤茶一斤葱八兩醬二兩酒一瓶燈油一鍾參將游擊旗鼓都司每日各給肉二斤菽乳一斤葱八兩茶一斤醬二兩燈油一鍾每二日酒一瓶守備千總把總百總中軍每日各給肉一斤醬二兩茶八兩每二日酒一瓶燈油一鍾兵丁從役各給鹽一兩會典事例

康熙五年定投誠王每日給羊一酒一瓶茶二包牛乳二錢酥油四兩黃蠟燭一枝燈油一鍾鹽八兩會典事例

乾隆五十三年定臺灣生番來京每十人日給羊一每人日給鹽一兩五錢酸茶二兩對茶麥麩一兩六錢牛乳四兩每四人茶一包燭共四十二枝均給好米會典事例

右新附人館餼

凡供祭牲牢 盛京禮部設牛羊牧羣以供 三陵歲時祭饗歲以滋息及取用之數咨部並咨戶部察厥東陵 西陵每祭取乳牛行左右翼稅務供備領牛官役行糧乳牛芻牧移文戶部給票沿途支取會典

順治初年議准牛羊館設司牲官二人筆帖式三人於張家口外設兩翼牧羣每翼設翼長一人共置牛羣十

有八羊羣十有六每羣設牧長一人牧副一人共牛二千一百五十有六羊三千八百八十有四均分羣牧養
每三年均齊一次每三牛孳生一三羊孳生二牛羊孳生多者給賞少者罰責又於 盛京養息牧地方設牛
羣十羊羣六設司牲官筆帖式等會典事例

順治初年議准牛羊館額設乳牛三十以供 陵寢之用如有無乳者據奉祀 陵寢禮部官來文抵換其發
回無乳之牛或留館餵養或發於張家口外孳生每牛日給豆六升草二束每乳牛日給豆四升草二束每牛
日給豆一升草一束每羊日給豆二升草半束按日支取如牛羊用去按日扣發會典事例

康熙十四年題准禮部所用牛羊在張家口外各羣取用如應用不足交與兩翼監督稅務官採買送部移咨
戶部給銀會典事例

二十一年議准禮部所用牛羊每年春夏二季每牛定價銀五兩五錢每羊定價一兩三錢秋冬二季每牛五
兩每羊一兩一錢肥臍者一兩八錢會典事例

康熙三十一年題准養息牧羣牛羊病斃照張家口外牧羣例賠補有癩癩瘡災大雪倒斃合翼長等報

盛京禮部驗看皮角印記查明數目轉報禮部俟均齊時准其銷算交與 盛京工部支用若無應用之處照
時價變賣會典事例

雍正二年覆准 盛京 三陵所用乳牛著該管官詳細選擇加意餵養所有無乳更換之牛限定月日如遇
六月無乳照牛犢長大例變價不及六月者不准更換每逢祭祀令尙茶正率尙茶往園內同奉祀 陵寢禮
部官共看收乳敬謹送至茶房會典事例

乾隆元年奏准禮部需用羊向由左右翼探買大蒙古羊重百斤蒙古羊重八十斤凡一切祭祀不能一時皆得大蒙古羊清明歲暮曹八里屯等處致祭所用羊除常在答應以上照例用大蒙古羊外以下俱改用蒙古羊仍不得以瘦小羊抵塞會典事例

五年議准 東陵 泰陵各承辦事務衙門取用 陵寢供祭乳牛向從張家口外選取路途遙遠以致疲瘦誠恐有誤查康熙四十三年以前有由禮部劄兩翼監督探買以備應用之例除本年所需乳牛仍從張家口選用外自乾隆六年春季為始仍令兩翼監督動支稅銀辦買令泰祀 陵寢禮部按季委官豫赴禮部領取照正數十頭外加備用二頭以備臨期倒斃之乳之用會典事例

六年奏准 陵寢所用乳牛每乳牛日支豆四升草三束牛犢日支豆二升草一束其帶回之無乳牛及備牛每半日給豆二升草二束每犢日給豆一升草一束禮部行文戶部給票沿途支領再牛犢在途每六頭用荆筐一馬車一裝載以防天雨泥濘行走遲慢恐致遲誤祭期又備牛一項原與正數乳牛動支稅銀一同採買如未經換用應卽照時價變賣歸項儻已經換用則帶回之牛必有殘疾無乳等情應卽比照無乳之牛分別變價報銷會典事例

嘉慶十年諭內閣據御史花良阿奏西城居住回民甚多販賣牛肉為生者不少查入口牛隻在京師無耕用之處與素習耕犁者有間請嗣後將口外販賣牛隻令各該坊官驗明准令回民宰賣等語花良阿又非回教中人矢口亂言荒謬已極牛為太牢非尋常牲獸可比每年恭遇 圖丘大祀 太廟時享用以享 帝享祖況京郊力作全賴耕犁於農民利益甚廣卽老病殘廢亦當念其筋力向盡優予飼養不忍遽行宰殺定例

查禁特嚴非徒陰鷲之說爲士民所宜持戒也今該御史乃稱定例指宰殺耕牛而言現在入口牛隻係蒙古回民交易行販來京與素習耕犁者有間不便一概嚴禁試思耕牛菜牛憑何分別一經開禁宰割紛然坊官等又何從一一驗明辨其能耕與不能耕當宰與不當宰若謂兩翼牛稅日漸減少係由禁止宰殺牛販不敢進城之故尤屬見小國家稅課出入亦豈繫此區區向來私宰牛隻地方官雖出示嚴禁尙恐視爲具文該御史簡派巡城正當實力禁止今乃倡爲開禁之說欲使回民等人人宰殺自便其意何居其中或竟有受託別情亦未可定花良阿不可復任御史著降用爲大部員外郎仍著交部議處以示懲儆嗣後著地方官遵照定例通行查禁凡有私宰牛隻者均著卽予懲辦地方官失於查察亦著照例議處

聖訓

十六年諭內閣理藩院奏喀爾喀四部落盟長土謝圖汗車登多爾濟等呈請願代哲布尊丹巴呼圖克圖交庫圖勒多倫等三處之烏拉官畜人物代爲請旨一摺阿勒台地方安設喀喇沁臺站哈布蘇爾噶烏拉之庫圖勒多倫塔拉多倫莫端三處所備烏拉牲畜人物向係哲布尊丹巴呼圖克圖徒衆備辦今車登多爾濟等因哲布尊丹巴呼圖克圖徒衆牲畜節年被災多有傷損呈請於該四部落按佐領多寡均勻代辦尙爲急公奮勉殊屬可嘉惟哲布尊丹巴呼圖克圖品級較大此項烏拉向係伊之徒衆備辦由來已久若因近年被災牲畜傷損卽令免交派令四部落代交則將來該四部落人等亦不免稍有拮据似未平允而該呼圖克圖徒衆處牲畜時災既過自可日漸蕃息嗣後該處烏拉著該四部落與哲布尊丹巴呼圖克圖徒衆各按三年輪班更換備辦著爲令

聖訓

右供祭牲牢

凡燕會牲牢 慶典令節 賜燕於 宮殿各典禮及番夷來 朝入貢 賜燕於衙署館舍均行左右翼稅
務供羊會典

順治初年議准備用廵燕及外藩供給於張家口取健牛一百五十羊五百在館餵養會典事例
康熙九年題准在 內大燕及部燕皆停用牛減去牛百頭止存五十其廵燕增用羊四百共九百在館餵養
會典事例

四十四年奏准廵燕所用羊禮部停其採買仍取口外羊送館餵養應用會典事例

四十六年奏准廵燕備用牲牢停止餵養仍照前劄行兩翼採買應用會典事例

雍正五年奏准嗣後蒙古王來京在五旗王府廵燕應用牛者改用羊會典事例

右燕會牲牢

凡賓館牲牢下嫁外藩公主館於 京師日給羊一郡主以下三日給羊一會典

康熙九年奏准牛羊館減去牛百頭止留五十以備外藩供給應用會典事例

四十六年奏准裁牛羊館供給所用照前在兩翼採買會典事例

雍正五年奏准在京過年之固倫公主額駙親王等除夕所送廵席牲應用牛者改用羊會典事例

乾隆三十一年定在京居住之格格等每日應得羊隻裁減一半會典事例

右賓館牲牢

凡 賜卹牲牢宗室王公暨福晉夫人 諭祭行左右翼稅務備羊下嫁外藩公主郡主以下暨外藩王公

諭祭所用牛羊行戶部給價各有差會典

康熙二十九年議准致祭外藩牛羊定價冬春每牛價銀四兩羊一兩五錢夏秋牛三兩羊一兩會典事例

三十六年議准凡致祭外藩親王以下一等台吉以上親王嫡福晉以下公夫人以上其牛羊等項應行戶部折價交與往祭官員在本處採辦會典事例

雍正五年奏准內外 屬郵致祭牛羊嗣後除外藩固倫額駙親王郡王貝勒貝子公公主郡主縣主郡君縣君等照舊例折給牛羊價外在京親王世子郡王福晉公主等用牛者均改用羊會典事例

右賜郵牲牢

皇朝政典類纂卷二百九十五

禮四十三

賓禮筵燕一

禮部精膳清吏司掌燕饗廩餼牲牢之事會典

凡大燕於 太和殿皆備其陳設序其班次 大婚禮成賜燕亦如之公主下嫁燕於 保和殿若 正大光

明殿亦如之凡燕前期則進燕圖行文各衙門以供備會典

凡 賜燕於公各辨其儀與其供具廩餼則察其物而供焉會典

凡燕具蒙古羊者則供之祭祀亦如之 陵寢供乳牛以其額備卹賞之牛羊皆於兩翼稅務和買而供之會典

太和殿筵燕之禮恭遇 皇帝萬壽聖節元旦及 大慶典豫日禮部疏請舉行筵燕領侍衛內大臣奏請命

進爵大臣既得 旨酒徧布諸司供備屆日尚茶庀茶尚膳庀 御饌王以下入八分公以上進饌筵牲酒光

祿寺供酒席兩翼供羊卯刻 法駕鹵簿樂縣依次陳設於 太和殿通禮

崇德元年定元旦王貝勒貝子公等每旗各進 御前 中宮筵牲酒外藩蒙古王貝勒等每旗各進 御

前 中宮牲酒設燕於 崇政殿王以下各官均於 殿內按翼依次列坐如停止筵燕免進筵席牲酒會典

專例

順治九年題准 萬壽聖節親王世子郡王各進筵席牲酒外藩王貝勒貝子每旗各輪進牲酒前期由前題

皇朝政典類纂 卷二百九十五 禮四十三 賓禮